



Financial Sector
Conduct Authority

PHOLISI YA MALEME

 Financial Sector Conduct Authority	Pholisi ya Maleme	
	Nomoro ya Taolo ya Tokumente.: C&L/POL/03/2026-2028	Bešene ya 4

Leina la Tokumente	Pholisi ya Maleme
Nomoro ya Tokumente:	C&L/POL/03/2026-2028
Tirišo:	Bolaodi bja Boitshwaro bja Lekala la Ditšhelete
Bakeng sa Tigelo	Komiti ya Taolo ya Togamaano
Bakeng sa Tumelelo	Komitiphethiši
E thoma go šoma ka la:	1 Aprele 2026
E beakantšwe ke:	Kgoro ya Kgokagano
E sekasekilwe ka la:	27 Matšhe 2026

 Financial Sector Conduct Authority	Pholisi ya Maleme	
	Nomoro ya Taolo ya Tokumente.: C&L/POL/03/2026-2028	Bešene ya 4

Letlakala la Tumelelo ya Tokumente

Mong wa Tokumente

LEINA	MAEMO	MOSAENO	LETŠATŠIKGWEDI
Tembisa Marele	Hlogo ya Kgoro: Kgokagano		

Tokumente e Digetšwe Ke:

KOMITI	Modulasetulo	MOSAENO	LETŠATŠIKGWEDI
Komiti ya Taolo ya Togamaano	Modulasetulo		

Tumelelo ya Tokumente:

MODULASETULO WA	Modulasetulo	MOSAENO	LETŠATŠIKGWEDI
Komitiphethiši	Mokomišinare		

Taolo ya Phetolelo le Kakaretšo ya Diphetogo:

No.	TLHALOŠO YA DIPHETOGO
1.	Ye ke pholisi ya mathomo yeo e hlongwago go beakanya sebopego sa melawana ya FSCA.
2.	Koketšo ya ga ditlhalošo tše dingwe, didirišwa tša go dira melao.

Nako ya Tshekatsheko ya Kgapeletšo:

E tla sekasekwa mengwaga ye mengwe le ye mengwe ye mebedi.
--

LENANEOTLHOPHO LA DITENG

1. DITLHALOŠO	4
2. KETAPELE	5
3. MORERO	5
4. DIDIRIŠWA TŠA MOLAO	5
5. MAGOMO LE TIRIŠO	6
6. MAEMO A TAOLO A PHOLISI YE	6
7. MELAWANA	6
8. MOHUTA WA KGWEBO YA FSCA	7
9. MALEME A SEMMUŠO A FSCA	7
10. TLHAMO LE SEBOPEGO SA TLHAHLOBO YA TIRELO YA MALEME YA FSCA	10
11. TLHAHLO LE MAEMO	10
12. KGATIŠO YA LE PHIHLELELO YA PHOLISI YE	10
13. MOKGWA WA DINGONGOREGO	11
14. TSHEPEDIŠO YA BOIPILETŠO	11
15. TSHEKATSHEKO YA PHOLISI	12
16. TUMELELO	12

1. DITLHALOŠO

Mo Pholising ye ka ntle le ge seemo se nyaka ka tsela ye nngwe –

- 1.1 **"Braille"** e ra mokgwa wa polelo ya go ngwalwa ya batho ba difofu, yeo go yona baanegwa ba emetšwego ka diphethene tša marontho a go phagamišwa ao a ka balwago ka dintlha tša menwana;
- 1.2 **"Mokhomišinare"** e ra Mokhomišenare wa FSCA;
- 1.3 **"Molaotheo"** e ra Molaotheo wa Repabliki ya Afrika Borwa, 1996.
- 1.4 **"EXCO"** e ra Molekgotlaphethiši wa FSCA;
- 1.5 **"FSCA"** e ra Bolaodi bja Boitshwaro bja Lekala la Ditšhelete, e lego setheo sa molao seo se hlomilwego go ya ka karolo ya 56 ya Molao wa Taolo ya Lekala la Ditšhelete, 2017 (Molao wa 9 wa 2017);
- 1.6 **"go hlatholla"** e ra tiro ya go fetolela polelo go tšwa polelong ya mothopo go ya go polelo yeo e nepišitšwego ka mokgwa wo o bolelwago goba wo o saennwego, ka **"go hlatholla"** go na le tlhalošo ye e sepelelanago le yona;
- 1.7 **"polelo ya rekhoto"** e ra polelo ya semmušo yeo e kgethilwego bakeng sa go boloka direkhoto goba go boloka direkhoto tša FSCA;
- 1.8 **"Tona"** e ra Tona ya Dipapadi, Bokgabo le Setšo;
- 1.9 **"bomalementši"** e ra tšhomišo ya maleme a mararo goba go feta ke motho ka noši goba sehlopha sa batho;
- 1.10 **"Pholisi"** e ra Pholisi ye ya Maleme;
- 1.11 **"Repabliki"** e ra Repabliki ya Afrika Borwa;
- 1.12 **"SASL"** e ra Polelo ya Diatla ya Afrika Borwa;
- 1.13 **"setsebisegolo sa polelo"** e ra mošomi wa FSCA yo a etetšego pele karolo ya maleme ya kgowana ya Ditirelo tša Dikgokagano le Maleme;
- 1.14 **"Molao"** e ra Molao wa Tšhomišo ya Maleme a Semmušo, 2012 (Molao wa 12 wa 2012); gomme
- 1.15 **"phetolelo"** e ra tiro ya go fetolela sengwalwa se se ngwadilwego go tšwa polelong ya mothopo go ya go polelo yeo e nepišitšwego, ka "fetolela" yeo e nago le tlhalošo ye e sepelelanago.

2. KETAPELE

- 2.1 Molaotheo wa Repabliki ya Afrika Borwa, 1996 ("Molaotheo"), o amogela maleme a semmušo a 12, e lego Seisemane, Seafrikanse, Tshivenda, Xitsonga, Sepedi, Setswana, Sesotho, isiZulu, isiXhosa, isiNdebele, Siswati le Polelo ya Diatla ya Afrika Borwa (SASL); e lemoga tirišo ye e fokotšegilego le maemo a maleme a setlogo gomme e nyaka gore mmušo o tšee magato a go šoma le a mabotse go phagamiša maemo le go tšwetša pele tšhomišo ya maleme a. Molaotheo o tšwela pele go nyaka gore maleme ka moka a semmušo a thabele tekatekano ya tlhompho le go swarwa ka tekatekano.
- 2.2 Go fihlelela se, Molao wa Tšhomišo ya Maleme a Semmušo, 2012 (Molao wa 12 wa 2012) ("Molao"), o tsebagaditšwe go hlohleletša tšhomišo ya maleme a semmušo go boledišana le maloko a setšhaba; go beakanya taolo le tlhokomelo ya tšhomišo ya maleme a semmušo ke mmušo wa bosetšhaba ka merero ya mmušo; go nyaka go amogelwa ga pholisi ya polelo ke kgoro ya bosetšhaba, setheo sa setšhaba sa bosetšhaba le kgwebo ya setšhaba ya bosetšhaba; le go fana ka go hlongwa ga yuniti/karolo ya polelo ke kgoro ya bosetšhaba, setheo sa setšhaba sa bosetšhaba le kgwebo ya setšhaba ya bosetšhaba.
- 2.3 Molao o šoma go ditheo ka moka tša setšhaba tša bosetšhaba. Bolaodi bja Boitshwaro bja Lekala la Ditšhelete (FSCA) ke setheo sa setšhaba sa bosetšhaba seo se lokeleditšwego go Šetule 3 ya Molao wa Taolo ya Ditšhelete tša Setšhaba, 1999 (Molao wa 1 wa 1999) ("PFMA") Ka gona, Pholisi ye e hlamilwe ke FSCA go obamela ditlhagišo tša Molao.

3. MORERO

Maikemišetšo a Pholisi ye ke go hlaloša ka moo FSCA e tlogo obamela Molao le go šomiša maleme a semmušo go kaonafatša tirelo go maloko a setšhaba ka kakaretšo le dihlongwa tše di laolwago, le go kaonafatša maemo a kobamelo.

4. DIDIRIŠWA TŠA MOLAO

- 4.1 Molaotheo wa Repabliki ya Afrika Borwa wa 1996 ("Molaotheo")
- 4.2 Molao wa Taolo ya Lekala la Ditšhelete, 2017 (Molao wa 9 wa 2017)
- 4.3 Molao wa Tšhomišo ya Maleme a Semmušo wa 12 wa 2012 ("Molao")
- 4.4 Molawana wa Tšhomišo ya Maleme a Semmušo, 2013
- 4.5 Molao wa Khansele ya Badiriši ba Maleme ya Afrika Borwa, 2014 (Molao wa 8 wa 2014)
- 4.6 Moalo wa Tšwetšopele ya Phihlelelo ya Tshedimošo, 2000 (Molao wa 2 wa 2000)
- 4.7 Molao wa Taolo ya Ditšhelete tša Setšhaba, 1999 (Molao wa 1 wa 1999) ("PFMA")

5. MAGOMO A TIRIŠO

Pholisi e šoma go bašomi ka moka ba FSCA, go akaretšwa borakotraka le mang le mang yo a phethagatšago mošomo legatong la FSCA.

6. MEAMO A TAOLO A PHOLISI YE

Pholisi ye e laeditšwe ke karolo ya 4 ya Molao, ka tsela ye e latelago:

- 6.1 Karolo ya 4(1) e hlapiša gore kgoro ye nngwe le ye nngwe ya bosetšhaba, setheo sa setšhaba sa bosetšhaba le kgwebo ya setšhaba ya bosetšhaba di swanetše go amogela pholisi ya maleme mabapi le tšhomišo ya yona ya maleme a semmušo;
- 6.2 Karolo ya 4(2) e hlapiša gore pholisi ya polelo yeo e amogetšwego go ya ka karolwana (1) e swanetše go—
 - 6.2.1 hlaola bonnyane maleme a mararo a semmušo ao kgoro ya bosetšhaba, setheo sa setšhaba sa bosetšhaba goba kgwebo ya setšhaba ya bosetšhaba e tlogo a šomiša ka mabaka a mmušo;
 - 6.2.2 laetša ka moo maleme a semmušo a tlogo šomišwa ka gona go boledišana ka mo go atlegilego le setšhaba, ditsebišo tša semmušo, dikgatišo tša mmušo le kgokagano ya magareng le ka gare ga mmušo;
 - 6.2.3 hlaloša ka moo kgoro ya bosetšhaba, setheo sa setšhaba sa bosetšhaba goba kgwebo ya setšhaba ya bosetšhaba e tlogo boledišana ka mo go atlegilego le maloko a setšhaba ao leleme la bona la kgetho e sego le lengwe la maleme a semmušo ao a a kgethilego; MELAOMO YA MELAO;
 - 6.2.4 hlaloša ka moo maloko a setšhaba a ka fihlelelago pholisi ya maleme;
 - 6.2.5 fana ka mokgwa wa dingongorego go kgontšha maloko a setšhaba go tsenya dingongorego mabapi le tšhomišo ya maleme a semmušo ke kgoro ya bosetšhaba, setheo sa setšhaba sa bosetšhaba goba kgwebo ya setšhaba ya bosetšhaba; le
 - 6.2.6 e phatlalatšwe ka Kuranteng ya Mmušo ka pela ka moo go kgonegago, eupša ka sebaka se se sa fetego matšatši a 90 a go amogelwa ga yona.

7. MELAWANA

Melawana yeo e thekgago Pholisi ye ke ye e latelago:

- 7.1 Boikgafo bja go tšea magato a go phagamiša maemo le tšwetšopele ya tšhomišo ya maleme a setlogo.

- 7.2 Boikgafo bja tšwetšopele ya maleme ka moka ka Repabliking ka nepo ya go netefatša tekatekano ya tlhompho le tshwaro ya tekatekano ya maleme a semmušo bjalo ka ge go nyakega ke kabo ya rena ya temokrasi.
- 7.3 Temogo ya maleme a mantši bjalo ka mothopo wa go godiša ditirišano tša tirišano ka go aga setšhaba, tlabollo ya ekonomi le kgokagano ya leago.
- 7.4 Tšwetšopele ya taolo ye kaone ya polelo ke FSCA go netefatša taolo ya tirelo ya setšhaba ye e šomago gabotse yeo e fihlelelago dinyakwa tša setšhaba le go netefatša phihlelelo ya tekatekano ya ditirelo le tshedimošo ya FSCA.
- 7.5 Thibelo ya tšhomišo ya polelo efe goba efe (dipolelo) ka maikemišetšo a go šomiša, go buša le kgethollo ka gare ga FSCA.
- 7.6 Boikgafo bja go netefatša gore diforamo tša ditšitale tša FSCA le dikgatišo tša inthanete di a fihlelelwa le go šomišwa ke batheeletši ba go fapafapana, go akaretšwa batho bao ba golofetšego, go sepelelana le mekgwa ye mekaone ye e tšwelelago ya phihlelelo ya titšithale.
- 7.7 Boikgafo bja tšhomišo ya melawana ya polelo ye e kwagalago dikgokaganong ka moka tšeo di lebanego le setšhaba, kudukudu tšeo di lebantšhitšwego go bareki ba ditšhelete. Polelo ya sethekniki goba ya molao e tla efoga moo go kgonegago gomme, moo go sa phemegego, e tla sepelelana le ditlhalošo tše di kwagalago goba dikakaretšo.

8. MOHUTA WA KGWEBO YA FSCA

FSCA ke setheo se se ikemego seo se hlomilwego go laola le go hlokomela maitshwaro a mmara a dihlolongwa tša ditšhelete ka Afrika Borwa. Bjalo ka ge go laeditšwe go karolo ya 57 ya Molao wa Taolo ya Lekala la Ditšhelete, 2017, maikemišetšo a FSCA ke go—

- 8.1 go godiša le go thekga bokgoni le botshepegi bja mebaraka ya ditšhelete; le
- 8.2 šireletša bareki ba ditšhelete ka—
 - 8.2.1 go tšwetša pele tshwaro ye e lokilego ya bareki ba ditšhelete ke dihlolongwa tša ditšhelete;
 - 8.2.2 go fa bareki ba ditšhelete le bao ba ka bago bareki ba ditšhelete mananeo a thuto ya ditšhelete, le ka tsela ye nngwe go tšwetša pele go bala le go ngwala ka ditšhelete le bokgoni bja bareki ba ditšhelete le bao ba ka bago bareki ba ditšhelete go tšea diphetho tše di kwagalago tša ditšhelete; le
- 8.3 thuša go boloka botsitso bja ditšhelete.

9. MALEME A SEMMUŠO A FSCA

9.1 Go amogelwa ga maleme a semmušo ke FSCA

- 9.1.1 Molao o hloka gore FSCA e amogele pholisi ya maleme yeo e hlaolago bonnyane maleme a mararo a semmušo ao e tlogo a šomiša go “merero ya mmušo”. Se se šupa maleme ao kudu a swanetšego go šomišwa ge go boledišanwa le maloko a setšhaba.
- 9.1.2 Ge go šupa maleme a semmušo, FSCA gare ga tše dingwe e laetšwe go lebelela tšwetšopele ya maleme a setlogo ao a bego a kgaphetšwe thoko peleng.
- 9.1.3 Ge go laetša gore ke maleme afe a semmušo ao a swanetšego go šomišwa, FSCA e tla hlahlwa mo tiragalong ye nngwe le ye nngwe ke mabaka a a latelago:
 - 9.1.3.1 Go phethagatšwa;
 - 9.1.3.2 Ditshenyagalelo tše di amanago le tšona;
 - 9.1.3.3 Lefelo la thutafase;
 - 9.1.3.4 Dikgahlego tša setšhaba le/goba sehlopha se itšego seo se nepišeitšwego; le
 - 9.1.3.5 Bokgoni bja FSCA.
- 9.1.4 Le ge FSCA e amogela maleme ka moka a semmušo a Repabliki, maleme a a latelago a amogetšwe:
 - 9.1.4.1 **Seisemane** (polelotirišwa);
 - 9.1.4.2 Go tšwa sehlopheng sa leleme la Nguni (isiZulu, isiNdebele, Siswati le isiXhosa), **isiZulu** se amogetšwe;
 - 9.1.4.3 Go tšwa sehlopheng sa leelme la Sesotho (Setswana, Sepedi le Sesotho), **Setswana** se amogetšwe;
 - 9.1.4.4 **Tshivenda**, le nngwe la maleme ao peleng a bego a hlokomologilwego ao e sego a sehlopha sa maleme, se amogetšwe; le
 - 9.1.4.5 **Seafrikanse**, e lego le nngwe la maleme ao e sego a sehlopha sa maleme, le sona se amogetšwe.
- 9.1.5 FSCA e tla netefatša gore e šomiša maleme ao a laeditšwego go temana ya 9.1.4 bakeng sa merero ya mmušo bjalo ka ge e hlalošitšwe go temana ya 9.2.4 ka fase.

9.2 Tšhomišo ya maleme a semmušo ke FSCA

- 9.2.1 Tlhalošo ya gore ke maleme afe ao a tlogo šomišetšwa merero ya kgwebo gammogo le poledišano le maloko a setšhaba, le mkgwa wo maleme a bjalo a tlogo šomišwa ka wona, e hlagišeitšwe ka fase.
- 9.2.2 **Merero ya kgwebo**
FSCA e amogela Seisemane bjalo ka polelotirikgolo le polelo ya rekhoto bakeng sa merero ya kgwebo—
 - 9.2.2.1 go boledišana le bareki ba yona ba go fapafapana (bareki le ditheo tše di laolwago) go ya ka ditaelo tša yona;
 - 9.2.2.2 mabapi le kgokagano ya ka gare ka gare ga FSCA; le

9.2.2.3 mabapi le dikgokagano tša yona le mmušo le/goba Palamente ka Tona ye e nago le maikarabelo.

9.2.3. Maamong ao ditokomane tšeo di reretšwego go tšweletšwa ka Seisemane fela di kgopelwago ka leleme lefe goba lefe la semmušo ntle le Seisemane, FSCA e tla dira gore diphetolelo tše di akareditšwego di hwetšagale, go ya ka temana ya 9.1.3 ka godimo.

9.2.4 Merero ya mmušo

FSCA e tla šomiša Seisemane le maleme a semmušo a a laeditšwego go 9.1.4 ka o tee go ya ka mabaka a a latelago:

9.2.4.1 Kgokagano le maloko a setšhaba, bobedi ka molomo le ka go ngwalwa, go akaretšwa, gare ga tše dingwe, ditsebišo le ditsebišo tša setšhaba, maswao a tshedimošo ya setšhaba, maswao a go hlaola dinolofatši le ditirelo (diphetolelo tše di akareditšwego ge go le bjalo ka ditokomane tša sethekniki);

9.2.4.2 Kgokagano le boraditaba (go fa mohlala, kgatišo, radio, thelebišene, podcast, wepsaete) – go laolwa ke morero le polatefomo.

9.2.4.3 Dikgatišo tša semmušo le ngwalelano;

9.2.4.4 Mediro ye mengwe ya boikamanyo le bakgathatema; le

9.2.4.5 Ditheeletšo tša setšhaba goba ditherišano le ditshepedišo tše dingwe tša semmušo.

9.2.5 Thuto ya Badiriši

Go sa šetšwe temana ya 9.1.3 ka godimo, FSCA e tla tšea magato a maleba le a kwagalago go netefatša gore e swara dithuto tša thuto ya bareki le tša go bala le go ngwala tša ditšhelete ka maleme a mantši a semmušo ka mo go kgonegago, go lebelelwa kgetho ya leleme la setšhaba seo se tsenelago dithulaganyo tše bjalo. Go tlaleletša, FSCA e tla ba le methopo ye bohlokwa ya thuto ya ditšhelete ya bareki yeo e fetoletšwego ka malemeng ka moka a semmušo le go phatlalatšwa mo wepsaeteng ya yona ye e ineetšego <http://www.fscamymoney.co.za> go sepelelana le taelo ya thuto ya bareki ya FSCA.

9.2.6 Senthara ya tshedimošo

Senthara ya tshedimošo ya FSCA e tla phegelela go kgontšha kgokagano le maloko a setšhaba ka maleme ka moka a semmušo a Repabliki bjalo ka ge go hlalošitšwe go temana ya 2.1 ya Pholisi ye.

9.3 **Kabo ya ditirelo ka leleme le lengwe ntle le maleme a semmušo ao a amogetšwego ke FSCA**

9.3.1 Moo leloko la setšhaba le ratago go amogela ditirelo ka leleme la semmušo ntle le maleme ao a šomišitšwego (mohlala, ka kgatišong),

leloko le bjalo le swanetše go tsebiša FSCA ka go ngwala ka kgopelo yeo, yeo e lebišitšwego go Setsebisegolo sa Maleme. FSCA e tla dira dipeakanyo tša go fihlelela kgopelo yeo mo nakong ye e kwagalago ya matšatši a mošomo ao e sego ka fase ga a 30 ge e amogetše kgopelo.

- 9.3.2 Maemong a kgokagano ya molomo, go swana le dikopano le ditiragalo dife goba dife tše dingwe moo go nyakegago go hlatholla, kgopelo e swanetše go dirwa ka go ngwala le bonnyane matšatši a 30 a mošomo pele ga tiragalo yeo.

9.4 Kabo ya Ditirelo tša SASL le Braille

FSCA e tla tšea magato a go kwagala le a mafolofolo go akaretša dikelohloko tša phihlelelo, go akaretšwa tlhathollo ya SASL, dibopego tša modumo le dibopego tše dingwe tše di fihlelelwago tša go swana le Braille, ka peakanyong ya yona ya kgokagano, kudukudu bakeng sa ditirišano tše kgolo tša setšhaba le diteng tša thuto ya bareki goba maitapišo go ya ka temana ya 9.1.3 ka godimo.

10. TLHAMO LE SEBOPEGO SA KABO YA TIRELO YA MALEME YA FSCA

- 10.1 Bjalo ka ge go nyakega ke karolo ya 7 ya Molao, FSCA e hlomile mošomo wa ditirelo tša polelo ka 2014, wo bjale o tsentšwego ka gare ga Kgoro ya Dikgokagano. Karolo ya mošomo wo ke go aba taolo ye botse ya polelo ka gare ga FSCA le go netefatša go akaretša bohle le tšhireletšo ya bareki ba ditirelo tša ditšhelete ka ditirelo tša polelo tše di šomago gabotse.
- 10.2 Mošomo wa ditirelo tša maleme wa FSCA o etetšwe pele ke setsebisegolo sa polelo, seo se thekgwago ke maloko a mangwe a bašomi bjalo ka ge go ka nyakega ke FSCA nako le nako. E na le methopo ye e lekanego go thekga kabo ya yona ya ditirelo ka mo go atlegilego le go ya ka molao.
- 10.3 Mošomo wa ditirelo tša maleme o tla hlokomela nako le nako phethagatšo ya Pholisi ye, go akaretšwa ditshekamelo tša dikgopelo tša polelo, dingongorego le dinyakwa tša phihlelelo le go fa dipego tša ka gare go thekga kaonafatšo ye e tšwelago pele.

11. TLHAHLO LE MAEMO

Gore go fihlelwe phethagatšo ya profešenale le ye e šomago gabotse ya Pholisi ye, Kgoro ya Dikgokagano e tla netefatša gore go na le tlhahlo ye e lekanego le bokgoni bja go phethagatša mošomo wa yona.

12. KGATIŠO YA LE PHIHLELELO YA PHOLISI YE

- 12.1 Pholisi ye e tla phatlalatšwa ka maleme ka moka a semmušo a Repabliki.
- 12.2 E tla hwetšagala wepsaeteng ya FSCA: www.fsca.co.za.

- 12.3 E tla hwetšagala ka Braille goba ka tsela ye nngwe ka modumo wepsaeteng ya FSCA.
- 12.4 Kakaretšo ya Pholisi ye e tla bontšhwa ka ofising ya FSCA ka mokgwa wo o dirago gore e bonagale setšhabeng.
- 12.5 Go tlaleletša, diphetolelo tše di gatišitšwego di tla hwetšagala ka maleme ka moka a semmušo meagong ya FSCA.

13. MOKGWA WA DINGONGOREGO

- 13.1 Motho ofe goba ofe yo a sa kgotsofalago ka sephetho sa FSCA mabapi le tšhomišo ya yona ya maleme a semmušo a ka tsenya ngongorego ka go ngwala, yeo e lebišitšwego go Mokhomišenare.
- 13.2 Ngongorego e swanetše go dirwa—
 - 13.2.1 ka go ngwala;
 - 13.2.2 mo dikgweding tše tharo ka morago ga ge ngongorego e tšwelela;
 - 13.2.3 go bolela leina, aterese, le tshedimošo ya kgokagano ya motho yo a tsenyago ngongorego; le
 - 13.2.4 go fa tlhalošo ye e tletšego le ye e tletšego ya ngongorego.
- 13.3 Mokhomišenare goba leloko le legolo la bašomi leo le abetšwego ke Mokhomišenare le ka kgopela mongongoregi go aba tshedimošo efe goba efe ya tlaleletšo yeo e nhlokagalago go akanya ngongorego le go tsenela kopano ka nepo ya go dira nyakišišo ya molomo ka ga ngongorego.
- 13.4 Mokhomišenare o tla lebelela ngongorego gomme a tšea sephetho, e sego ka morago ga dikgwedi tše tharo ka morago ga ge ngongorego e tsentšwe gomme a tsebiša mongongoregi ka sephetho seo.
- 13.5 **Dintlha tša boikgokagano tša FSCA**
 - Senthara ya tshedimošo: 0800 20 37 22
 - Mogala (switšhiboto): 012 428 8000
 - Imeile: communications@fsca.co.za
 - Atrese ya poso: PO Box 35655, Menlo Park, 0102
 - Aterese ya bodulo: Riverwalk Office Park, Block B, 41 Matroosberg Road (CKhona ya Garsfontein le Matroosberg Roads), Ashlea Gardens, Extension 6, Menlo Park, Pretoria
 - Wepsaete: www.fsca.co.za

14. TSHEPEDIŠO YA BOIPILETŠO

- 14.1 Mongongoregi yo a sa kgotsofalago ka sephetho sa Mokhomišenare a ka tsenya boipiletšo go Komitiphethiši (EXCO) ya FSCA.

- 14.2 Boipiletšo bjo bo rometšwego go EXCO bo swanetše go lebiša go EXCO ka Bongwaledi gomme bo tsenywe mo lebakeng la kgwedi e tee ya sephetho.
- 14.3 Ditlhagišo tša temana ya 13.2 ya Pholisi ye di tla šoma ka *diphetogo tše di hlokagalago tše di dirilwego*, boipiletšong bjo bo dirilwego go ya ka temana ya 13.1.

15. TSHEKATSHEKO YA PHOLISI

Pholisi ye e tla sekasekwa mengwaga ye mengwe le ye mengwe ye mebedi.

16. TUMELELO

Ye ke pholisi ya moragorago ya maleme ya FSCA, yeo e dumeletšwego ke EXCO ya FSCA ka la 27 Matšhe 2026.